

# Animación á lectura e contacontos

Outubro | decembro | 2025



**Biblioteca  
Municipal  
Isidro Novo  
MIHL**

**Parque da Milagrosa**

Presentamos unha nova programación de animación á lectura pensada para achegar ás e aos máis pequenos á biblioteca, ao mundo da lectura e dos contos.

Para asistir aos contacontos, é preciso retirar unha entrada a través do portal [entradaslugo.es](http://entradaslugo.es). As entradas son gratúitas e estarán dispoñibles desde o luns da semana da actuación. Para a actividade do 24 de outubro, tamén de balde, haberá que inscribirse na biblioteca ou no teléfono 982 297414 (a partir do luns 20 de outubro),

As persoas adultas que acompañen os nenos e nenas aos contacontos terán que retirar tamén entrada. Para dar preferencia ao público infantil, permitirase só un acompañante adulto por unidade familiar e entregaranse un máximo de tres entradas por persoa.

É importante que vos fixedes nas idades ás que vai destinada cada sesión.



**#ActivandoLugo**

**Xoves, 16 de outubro ás 18:00 horas no MIHL**

**FRAN REI  
"Superheroe"**

**Idades: a partir de 5 anos  
Duración: 55 minutos**

En ausencia de Supernai, o noso Superheroe deberá salvar a humanidade de terribles ameazas. Loitará contra perigosos axentes malignos mentres prepara as merendas, pon unha lavadora ou cambia un cueiro.

**Venres, 24 de outubro ás 18:30 horas na biblioteca**

**O FAIADO DE NIN  
"Superlectoras/es. Deseño de bolsas-mochila"**

**Idades: a partir de 6 anos  
Duración: 90 minutos**

Celebramos o Día das Bibliotecas cun obradoiro creativo para compartir co mundo a túa paixón pola lectura. Como? Creando e personalizando a túa bolsa ou mochila para levar sempre contigo a mensaxe de que ler conta moito.

**Xoves, 30 de outubro ás 18:00 horas no MIHL**

**CRIS DE CALDAS  
"A bibliotecaria estafalaria 2.0"**

**Idades: a partir de 4 anos  
Duración: 50 minutos**

Candelaria é a bibliotecaria que máis sabe de contos. Ás veces soña co París dos surrealistas e noutras ocasións imaxina ser Alicia e levar un sombreiro tolo... pero sempre rodeada das historias máis alucinantes.

**Xoves, 6 de novembro ás 18:00 horas no MIHL**

**O BAÚL DA TÍA TOLA  
"Tilintilonia"**

**Idades: de 1 a 3 anos  
Duración: 30 minutos**

Espectáculo teatral para bebés. Tilintilonia é un pequeno planeta habitado por Tilin e Tilón, onde xogaremos a explorar as diferentes texturas que existen nel e o que estas non suxiren, mentres descubrimos cores, obxectos, emocións e sensacións.

**Xoves, 20 de novembro ás 18:00 horas no MIHL**

**TRINKETRINKE TEATRO  
"Viaxes e cancións dos Ratos de Lonxedetodo"**

**Idades: a partir de 4 anos  
Duración: 45 minutos**

Os Ratos de Lonxedetodo levan 32 anos visitando as bibliotecas de Galicia. Agora acaban de publicar un álbum ilustrado no que se recollen as súas mellores cancións e, para celebralo, o rato Fuco traeranos en directo súa música e os seus contos favoritos.

**Xoves, 27 de novembro ás 18:00 horas no MIHL**

**PROFE ALBA  
"Cociñando contos"**

**Idades: a partir de 3 anos  
Duración: 50 minutos**

A profe Alba convidanos a unha sesión única na súa cociña de contos. Prepararemos xuntos unha historia nova, mesturando diversión, maxia e imaxinación. Unha experiencia saborosa e inesquecible para nenos, nenas e familias.

**Xoves, 4 de decembro ás 18:00 horas no MIHL**

**JOSHUA KENENTH  
"Ler para crer"**

**Idades: a partir de 4 anos  
Duración: 45 minutos**

Espectáculo de ilusionismo pensado para as bibliotecas, no que Joshua Kenneth anima aos nenos e nenas a descubrir a maxia da lectura mediante unha das ferramentas máis potentes: a arte do imposible.